

DÉZIÈM PATI

Sélébrasion mistè krétyin-an

PRÉMIÉ SÉKSION

Prinsip ki réglé sakréman-yo (Ékonomi sakramantèl-la)

DÉZIÈM CHAPIT

Sélébrasion mistè Paskal-la nan sakréman-yo

ATIK 2

Diféran litiji min yon sèl mistè-a

Tradision litijik-yo épi karaktè katolik l'Égliz-la

- 1200 Sé minm mistè Pak-la l'Égliz Bondié-a ap sélébré toupatou, antan-l
2625 fidèl nan lafoua apostolik-la, dépi prémié kominoté Jérusalèm-nan jous
nan Parouzi-a. Sé yon sèl mistè-a yo sélébré nan litiji-a, minm si fòm
sélébrasion-l yo diféran.
- 1201 Richès mistè Kris-la yo pa kapab sondé-a tèlman gran pa gin okinn
2663 tradision litijik ki kapab fîn ékprimé-l. Istoua nésans ak progrésion rit sa-
yo témouagné kijan youn konplété lòt yon fason ékstraòdinè. Lè Égliz-yo
té viv tradision litijik sa-yo nan lafoua épi nan kominion sakréman lafoua-
yo, yo té anrichi youn lòt épi yo té grandi nan fidéлитé Tradision-an ak
1158 mision tout l'Égliz-la gin an komin-an (cf. EN 63-64).
- 1202 Diféran tradision litijik-yo té pran nésans poutèt mision l'Égliz-la
814 minm. Égliz-yo ki té nan minm éspas jéografik épi kiltirèl rivé sélébré
mistè Kris-la palintèmediè ékspresion patikilié ki pròp pou kilti yo-a : nan
transmission « dépo lafoua-a » (2 Tm 1, 14), nan simbòl litijik-yo, nan
1674 òganizasioin kominion fratènèl-la, nan konpréansion mistè téolojik-yo épi

835 nan modèl fason pou viv sin-an. Konsa Kris-la, Limiè épi Sovè tout pèp-
1937 yo, manifesté nan lavi litijik yon Égliz pou pèp ak kilti koté yo voyé-l la
épi koté-l anrasinin-an. L'Égliz-la katolik : li kapab rasanblé tout véritab
richès kilti-yo nan youn li fè youn-nan antan-l purifié yo (cf. LG 23 ; UR
4).

1203 Tradision litijik oubyin rit yo anplouayé kounié-a nan l'Égliz-la sé rit
latin-an (prinsipalman rit Romin-an, min tou rit kèk Égliz lokal tankou rit
Anbrozyin-an, oubyin kèk òrd rélijyé) épi rit Bizantin-an, Aléksandrin-an
oubyin Kòpt, Siriak, Arményin, Maronit épi Kaldéyin. « Antan li obéyi
Tradision-an fidèlman, Konsil sa-a ki sin anpil-la déklaré sint Égliz-la ki
Manman konsidéré kòm égal nan doua ak nan dignité tout rit li rékonèt
kòm léjitim-yo, épi, alavni, li vlé konsèvé yo épi dévlopé yo nan tout
fason » (SC 4).

Litiji-a épi kilti-yo

1204 Sé poutèt sa sélébrasion litiji-a doué koréponn ak karaktè épi kilti
2684 diféran pèp-yo (cf. SC 37-40). Pou mistè Kris-la parèt klè pou « tout
nasion yo konnin-l, pou yo obéyi lafoua-a » (Rm 16, 26), yo doué anonsé-
854, 1232 l nan tout kilti, sélébré-l épi viv li yon fason pou [kilti sa-yo] pa éliminé,
min pou yo rachté épi akonpli nan li (cf. CT 53). Sé avèk pròp kilti yo
2527 ginyin kòm moun épi palintèmediè-l, antan Kris-la pran-l épi transfiguré-l,
foul pitit Bondié-yo ap rivé kot Papa-a, pou yo ba li gloua nan yon sèl
Éspri-a.

1205 « Yo doué konsidéré nan litiji-a, épi sitou nan litiji sakréman-yo, gin
1125 yon *pati ki pa kapab chanjé*, poutèt sé Bondié ki établi-l, l'Égliz-la sé
gadyin-l, épi gin *pati ki kapab chanjé*, l'Égliz-la gin pouvoua épi pafoua
minm gin devoua pou-l adapté yo ak kilti pèp ki fèk évanjélizé-yo » (Jean
Paul II, l. ap. "Vicesimus quintus annus" 16. Cf. SC 21).

1206 « Divèsité litijik-la kapab yon sous kouasans, min li kapab provoké
tansion tou, fè youn pa konprann lòt épi minm rivé nan chism. Li klè nan
domèn sa-a variété-a pa doué nui unité-a, ni li pa kapab éksprimé si sé pa
palintèmediè fidéлитé aléga lafoua ki komin-an, aléga sign sakramantèl-yo,
sa l'Égliz-la résévoua nan min Kris-la, épitou aléga kominion yérarchik-
la. Adaptasion parapò a kilti-yo égzijé konvèsion kè-a épi, si sa nésésè,
détachman parapò a abitud zansèt-yo ki pa konpatib ak lafoua katolik-la »
(ibid.).

RÉZIMÉ

1207 *Li bon pou sélébrasion litiji-a chèché éksprimé-l nan kilti pèp koté
l'Égliz-la yé-a, san-l pa soumèt tèt-li anba-l. Sou yon lòt bò minm,
litiji-a anfanté épi li fòmé kilti-yo.*

- 1208 *Diféran tradision litijik-yo, oubyin rit-yo, sa yo rékonèt yon fason léjitim, nan mézi sé minm mistè Kris-la yo signifié épi yo kominiké, yo manifésté karaktè katolik l'Égliz-la.*
- 1209 *Kritè ki protéjé unité-a nan diféran fòm tradision litijik-yo, sé fidéлитé parapò a Tradision apostolik-la, sètadi : kominion nan lafoua-a épi nan sakréman-yo nou résévoua nan min Apot-yo, kominion sa-a minm sé siksésion apostolik-la ki indiké-l épi ki garanti-l.*

[◀Atik
anvan-an](#)

[Gid jénéral-la](#)

[Atik▶
apré-a](#)